

# ***Ilanngussaqq C***



**Aningaasaqarnermut Aatsitassanullu  
Naalakkersuisoq  
-/ Maani**

**Assilineri: Inatsisartut ataatsimiititaliaat**

**Ulloq:** 26. oktober 2016

**J.nr.:** 01.31.11-00016

## **Naalakkersuisut 2017-imi aningaasanut inatsisissatut siunnersuutaat**

### **1. Aallarniut**

Aningaasaqarnermut Ataatsimiititaliap 2017-imi aningaasanut inatsisissatut siunnersuummut malitseqartitsissutitut apeqqutai oqaaseqaataalu matumuuna nassiunneqarput. Ataatsimiititaliap aallaniutitut apeqqutaanut Naalakkersuisut akissutaat 12. oktober 2016-imi ullulerneqartut apeqqutinut pingaarnertut tunngavigineqarput.

Allamik allassimasoqartinnagu quppernertut innersuussutit aningaasanut inatsisissatut siunnersuutit danskisuaanut innersuussutaapput.

### **2. Oqaasertaliussat**

#### 2.1. Naalakkersuisunut – Suliassaqaarfik 10-89 - Nr. 6-imut

- a) *Kia aalajangertarpaa ajornartorsiortoqarnerani iliuuseqartoqarnissaanik pisariagartitsisoqartoq?*

Naalakkersuisut akipput ”*Kalaallit Nunaanni upalungaarsimanissamut pilersaarut atuuttoq naapertorlugu Upalungaarsimanermut ataatsimiititaliap qinnuiginninneratigut Naalakkersuisut Siulittaasuat tassaasinnaavoq tamanna pillugu aalajangiisussa.*”

#### **Apeqquut:**

Tamanna ataatsimiititaliamit ima paasineqassava piginnaatitsissutit atorneqarnissaa pillugu aalajangiinissaq Naalakkersuisut ataasiakkaat tamarmik akisussaaffigisinnaagaat?

### **3. Nalinginnaasumik nassuiaatit**

Allamik allassimasoqartinnagu quppernertut innersuussutit aningaasanut inatsisissatut siunnersuutit danskisuaanut innersuussutaapput.

#### 3.1. Immikkoortoq 3. Aningaasaqarnikkut inissisimaneq, qupperneq 93

#### **Apeqquut:**

2017-ip kingorna siuariartorneq annikillissasoq naatsorsuutigineqarpa?

#### 3.2. Immikkoortoq 3.1. Akiitsoqarnerup nikerarnera, qupperneq 94

- b) *Kommunit siunissami akiitsoqarnikkut inissisimanerat pillugu kommunit Aningaasaqarnermut Naalakkersuisoqarfimmit oqaloqatigineqareeripata ilisimatinneqarnissaq ataatsimiititaliamit kissaatigineqarpoq.*

**Apeqqu 1:**

Kommunit ataasiakkaat ukioq manna akiitsui tamarmiusut aammalu ilanngaaseereerluni akiitsui qanoq annertutigippat aammalu ukiuni tulliuuttuni qanoq issangatinneqarpat?

- c) *Akiitsunut periusissaq naapertorlugi akiitsornissamut killissarititaasoq qanoq qanitsigineqarpa?*

Naalakkersuisut ilaatigut akippit "Taarsigassarsinermi isumaqatigiissutit atuuttut naapertorlugit Namminersorlutik oqartussat taarsigassarsiarisinnaasaat sinneruttut qularnangitsumik ... mittarfiit sanaartornissaasa aningaasalersornissaannut naammassangillat."

**Apeqqu 2:**

Pisortat akiitsorsinnaanerannut qummut killiliussisoqarsimatillugu aammalu mittarfiliornisamik pilersaarutit saniatigut sanaartugassat allat utaqqimmata sanaartugassat ataasiakkaat aningaasalersorneqarnissaat eqqarsaatigalugu Naalakkersuisut qanoq pingaarnersiuiarnersut paasissutissiissutigineqassasoq ataatsimiititaliamit kissaatigineqarpoq?

- g) *Namminersorlutik Oqartussat ilanngaaseereerluni pisassarisaat ukiuni tulliuuttuni ilanngaaseereerluni akiitsunngornissaat Naalakkersuisunit naatsorsuutigineqarpoq. Tamatumunnga Naalakkersuisut tunngavilersuutigaat Nukissiorfinnut Illuut A/S-imullu taarsigassarsiarititat appariaataannit annertunerusumik ingerlatseqatigiiffimmut mittarfiliortussamut pisussaaffiit qaffannissaat. Tamatuma itisilerneqarnissaa a-taatsimiititaliamit kissaatigineqarpoq.*

**Apeqqu 3:**

- 1) Naalakkersuisut apeqqummut akissutaat itisilerneqassasoq ataatsimiititaliamit kissaatigineqarpoq. Namminersorlutik Oqartussat ilanngaaseereerluni pissarsiassaasat/ilanngaaseereerluni akiitsui 2016-imi, 2017-imi ukiunilu missingersuusiorfinni qanoq katiterneqarsimasussatut naatsorsuutigineqarnersut paasissutissiissutigineqassasoq ataatsimiititaliamit kissaatigineqarpoq?
- 2) Nukissiorfiup akiitsuminik akilersuina atuisunit aningaasalersorneqassava?

3.3. Immikkoortoq 3.2.1, Missingersuutit pillugu kommuninik suleqateqarnek, qupperneq 96

- c) *Naligiissaareriaasissamik nutaamik suliaqarnermi kommunit tamarmik ilaatinneqarpat??*

**Apeqqu 1:**

Naligiissaareriaasissamik nutaamik suliaqarnermi kommunit ataasiakkaat sunik tapersiuteqarpat?

- d) *Suliaq tamanna pillugu ingerllavartumik ilisimatinneqartarnissani ataatsimiititaliap kissaatigaa.*

**Apeqqu 2:**

"Arlaannik ilisimatitsissutigineqartariaqartumik susoqarpat"-mik oqarnek qanoq paasineqassava?

3.4. Immikkoortoq 3.3, Ingerlatseqatigiiffinni Namminersorlutik Oqartussanit pigineqartuni tallimani annerpaani ineriartorneq, qupperneq 98

**Apeqqu 1:**

- 1) Pisiortornermut atorfinitsitsisarnermullu aalajangersimasumik politikeqaqqullugit ingerlatseqatigiiffiit Namminersorlutik Oqartussanit pigineqartut Naalakkersuisunit peqquneqarsimappat?
- 2) Taamaassimappat taama politikeqarnissaq ingerlatseqatigiiffiit qanoq isumaqarfigaat?
- 3) Siuliani allassimasutut pisoqarsimappat tamatuma kingorna Naalakkersuisut qanoq ilior-simappat?

Naalakkersuisut ilaatigut akipput ”*Ingerlatseqatigiiffiit ataasiakkaat aningaasaliissuteqartarnerat Naalakkersuisunit toqqaannartumik nakkutilliivigineqarneq ajorpoq...*”

**Apequt 2:**

Ukiuni kingullerni qulini kukkusumik aningaasaliissuteqartoqarsimaneranik Naalakkersuisut ilisimasaqarpat?

**Apequt 3:**

Royal Arctic Linep aalajangigaasa inuiaqatigiinni pissutsinut eqquinnginnissaat qanoq Naalakkersuisunit nakkutigineqartarpa?

3.5. Immikkoortoq 3.4, EU-mik aalisarneq pillugu isumaqatigiissut, qupperneq 100

**Apequt:**

EU-mik aalisarneq pillugu isumaqatigiissutip allanngortinneqarsinnaanera pillugu EU-mit nalunaaruteqartoqarsimava?

3.6. Immikkoortoq 3.5, EU-mik peqateqarnissamik isumaqatigiissut, qupperneq 101

- b) *Angusassat eqquutsinneqannginnerat maannamit anguniagarineqartunut qanoq suniuteqassappat, qanoq angusaqarnerunissaq anguniarneqassava?*

**Apequt 1:**

- 1) EU-mik aalisarneq pillugu isumaqatigiissutip allanngortinneqarsinnaanera pillugu EU-mit nalunaaruteqartoqarsimava?
- 2) Angusassat eqquutsinneqannginnerat pinngitsoortinniarlugu isumaqatigiissutit allanngortinneqarnissaasa sulissutigineqarnissaat Naalakkersuisut pilersaaruteqarfigaat?

- c) *Kingunissai kisitsisinngorlugit aningaasartai qanoq amerlatigippat ukiunilu aggersuni anguniakkanik naammassisaqarnissaq eqqarsaatigalugu aningaasatigut kingunis-sai qanoq takorloorneqarpat?*

Naalakkersuisut ilaatigut akipput ” *Aningaasanut inatsimmi nalinginnaasumik 75 %-inik naammassisaqarsimanissaq missingersuusiortarparput.* ”

**Apequt 2:**

Tamatumunnga suna tunngaviua aammalu tamanna naapertuuttumik qaffasissuseqarpa?

3.8. Immikkoortoq 4.1.1, Ilinniartitaanerit, qupperneq 104

- b) *Naalakkersuisut paasisutissiissutigaat anguniagassatut akuersissutigineqartut kommuninut ataatsimoortumik tapiissutit ilaata annertussusissaannut apeqqutaatinneqalersinnaasut. Ataatsimoortumik tapiissutit ikilineqarsinnaanerat kajumissuseqalersitsisinnaasutut Naalakkersuisunit taaneqarpoq. Tamanna kommuninut atuarfik pillugu suliasaminnik kivitsinissaminnik ajornartorsiuteqareersunut qanoq kinguneqarsinnaanersoq Naalakkersuinit naliliiffigineqarsimava misissoqqissaarneqarluniluun-niit?*

Naalakkersuisut ilaatigut akipput ”Meeqqat atuarfiannut tunngasutigut suleqatigiinnissamik isumaqatigiisummi aamma ataatsimoortumik tapiissutissat pillugit kommuninik isumaqatigiisummi anguniagassat anguneqarnissaannut taamatut kajumissuseqalersitsinissaq immikkut ittumik misissoqqissaarneqarsimangilaq, tamanilli ilisimaneqarpoq anguniagassat anguneqarnissaannut aningaasatigut kajumissaasiisarneq sunniuteqartartoq.”

**Apeqqu 1:**

- 1) Naalakkersuisut suliami tassani taama isumaliutersornerannut suna tunngaviua?
- 2) Tamana sioqqullugu misissueqqissaarnermik suliaqqaarnissaq pissusissamisuussannginnerluni, taamaaliornikkummi taamatut pillaatissiinerup piviusunngortinneqarnissaanik aalajangiinissamut tunngavissaqartoaarsinnaaqqullugu?
- 3) Kommunit pitsaasumik angusaqarnermut akissarsinneqartussanngorlugit suliaq muminneqarsinnaava?

*h) Tuluit oqaasiinik ilinniartitsinerup pingaarnerusunngortinneqarnera atuartumut ilinniartitsisunullu qanoq kinguneqartussatut Naalakkersuisunit naatsorsuutigineqarpa? Taamaaliornikkut atuartut sannginnerit atuartunut atuagarsornermut pikkorissunut sanilliullutik sulii ajornerusumik inissimalernissaat aarleqqutigineqarsinnaangila? Taamatut pingaarnerusunngortitsineq tamanna atuarfiit tamarmik naammassisinaasavaat? Tamanna maanna ilinniartitsisussaaleqinermut qanoq kinguneqassava?*

**Apeqqu 2:**

- 1) Tuluttut ilinniartitsinerup pingaarnerusunngortinnerata atuarfimmi meeqqat amerlanerusut tuluttut taamatullu danskisut ilikkarnerannik nassataqarnissaanik Naalakkersuisut naatsorsuutiginninnerminni suna tunngavigaat? Ullumi atuartoqarpa tuluttut danskisullu ilikkangitsoortartunik?
- 2) Ullumi danskisut ilinniartitsisartuut siunissami tuluttut ilinniartitsisalernissaat Naalakkersuisut anguniagaraat?
- 3) Taamatut suliniuteqarneq kommuninut amelanerusunik aningaasaliissuteqarnissamik nassataqassasoq Naalakkersuisunit naatsorsuutigineqarpa?

*i) Nuna tamakkerlugu angajoqqaat siunnersuisoqatigiivini pilersitsiniarneq ingerlatsinerlu qanoq aningaasartuutitaqassava?*

**Apeqqu 3:**

Angajoqqaat siunnersuisoqatigiiviniut piumasaqaatit suuppat?

3.9. Immikkoortoq 4.2.1, Inuussutissarsiutinut suliffinnullu tunngassuteqartut, qupperneq 110

*c) Suliffeqarfinni sorlarni sulisut amerliartorpat?*

**Apeqqu 1:**

- 1) Suliaqarfinni taaneqartuni tamani qassit suliffittaarsimappat?
- 2) Tamatuma kingorna suliffissaaleqisut ikileriaqqissimasut Naalakkersuisut paasissutissiissutigaat. Inunnit suliffissaaleqisut pillugit kisitsisitigut paasissutissani ilaajunnaartut qassit suliffeqalersimappat?

*f) Inuit Majoriamiittut suliffissaaleqisut pillugit kisitsisitigut paasissutissani ilaatinneqarpat?*

**Apeqqu 2:**

Piffissami 2010 – 2014-imi qassit Majoriamiissimappat?

- g) *Takornarianut sullissiviit takornariaqarnermik nunap immikkoortukkaartumik ataqatigiissaarinissaannut nittarsaassisarnissaannullu qanoq piumasaqaateqartoqassa-va?*

**Apeqqut 3:**

Ataqatigiissarinerit suut takornarianut sullissivinnit ingerlanneqassappat?

3.10. Immikkoortoq 4.2.2, Aalisarnej, quppernej 113

- d) *Akuersissummik pigisaqartut amerleriarnerisa kingunerisaanik sinerissamut qanittumi aalisarnerup imminut akilersinnaassusiata apparnissaanik naatsorsuutiginninneq Naalackersuisunit itisilerneqarsinnaava?*

**Apeqqut:**

- 1) Naalackersuisut akissutaanut assersuusiortoqarnissaa ataatsimiititaliamit kissaatigineqarpoq.
- 2) Pissutsit taamaannerat aaqqiiviginiarlugu Naalackersuisut qanoq iliulersaarpat?

3.11. Immikkoortoq 4.3.2, Pisortani aaqgissuussaaneq, quppernej 117

- b) *Kommunit maanna aaqgissuussaanerannik pilersaarutit malinneqarsimappat aam-  
malu kommunit suliassaattut naatsorsuutigineqartut piviusunngortinneqarsimappat?*

**Apeqqut:**

Malitassat allattorsimaffiannik aalajangersaasoqarsimanngitsoq Naalackersuisut paasissutissiissutigaa. Namminersorlutik Oqartussat kommunillu akornanni suliassanik tunniussinissami Naalackersuisut qanoq pingaarnersiuisimanersut paasissutissiissutigineqassasoq ataatsimiititaliamit kissaatigineqarpoq.

3.14. Immikkoortoq 4.3.7, Utoqqarnut tunngasut, quppernej 123

- b) *Suliassaqarfimmi tamatumani kommunit ikiorneqarnissamik pisariaqartitsinerat qanoq annertutigiva?*

**Apeqqut:**

Naalackersuisut akissutaata itisilerneqarnissaa ataatsimiititaliamit kissaatigineqarpoq? Ikiorneqarnissamik pisariaqartitsisoqarnera kommuninit oqaatigineqarsimava?

3.15. Immikkoortoq 4.3.8, Innarluutilinnut tunngasut, quppernej 124

- a) *Najugaqatigiiffinnik pisariaqartitsineq qanoq annertutigiva suliassaqarfimmullu tamatumunnga Naalackersuisut pilersaarutaat suuppat?*

**Apeqqut:**

Naalackersuisut akissutaata itisilerneqarnissaa ataatsimiititaliamit kissaatigineqarpoq? Najugaqatigiiffinnik amerlanerusunik pisariaqartitsisoqarnera kommuninit oqaatigineqarsimava?

3.16. Immikkoortoq 4.3.9, Peqqissutsimut pinaveersaartitsinermullu tunngasut, quppernej 124

- c) *Suliarineqarnissaminnut utaqqisut pillugit kisitsisit killiffillu ataatsimiititaliamut nasuiarneqaaqquneqarpoq.*

**Apeqqut:**

Immikkut ilisimasaqarfinni ataasiakkaani sivisunerpaamik qanoq siviutigisumik utaqqisoqartarnissaa Naalackersuisunit aalajangersarneqarsimava?

3.17. Immikkoortoq 4.3.10, Akiitsoqarnej akiitsoqalernissamillu pitsaaliuineq, quppernej 126

b) *Taakkunangga inisseqqinneqartut qassiuppat illoqarfinnilu sorlerni inisseqqittoqarnerusarpa?*

**Apeqqut:**

Narsami Qaqortumilu inisseqqitat amerlangaatsiarmata ataatsimiititaliamit maluginiarneqarpoq. Sooq taamaattoqarnersoq paasissutissiissutigineqassasoq ataatsimiititaliamit kissaatigineqarpoq.

3.18. Immikkoortoq 4.4. Atugarissaarnikkut sullissutinik, akileraarusersueriaatsimik ineqarnermullu tunngasunik aaqqissuusseqqinnikkut imminut pilersorsinnaanerup anner-tusarnera, qupperneq 126

f) *Naalakkersuisut qupperneq 130-mi paasissutissiissutigaat ullumikkut suliassaqaarfiit ilaanni sunniivigeqatigiinnermi ajornartorsiuteqartoq, innuttaasut ilaasa akiitsoqalersoortarnerannik kinguneqartartumik. Tamatuma itisilerneqarnissaa ataatsimiititaliamit kissaatigineqarpoq.*

**Apeqqut 1:**

Tamanna ataatsimiititaliamit ima paasineqassava ajornartorsiut SIK-mit tikkuarneqartoq Naalakkersuisunit iliuuseqarfigineqalersaartoq?

h) *Suliffeqarnermut ilanngaak akileraartarnermut ineqarnermullu aaqqissuusseqqinnissap ilaatut Naalakkersuisunit qupperneq 127-imi taaneqarpoq. Tamanna Naalakkersuisut qanoq piviusunngortilersaarpaat?*

**Apeqqut 2:**

- 1) Tamanna ataatsimiititaliamit ima paasineqassava suliffeqarnermut ilanngaak pillugu siunnersuummik siusinnerusukkut saqqummiussinissaq Naalakkersuisunit pisariaqartutut isigineqanngitsaq?
- 2) 2016-imit 2018-imut ukiuni ataasiakkaani akileraartarnermik ineqarnermillu aaqqissuusseqqinnermik suliaq qanoq pilersaaruteqarfigineqarpa?

3.22. Immikkoortoq 5.1.3. Attaveqarner – umiarsualiviit mittarfillu, qupperneq 135

b) *Sakkutooqarfimmit aammalu upalungaarsimanermut atatillugu Kangerlussuup ator-neqarnera eqqarsaatigigaanni Kangerlussuup mittarfeqarfittut nalinginnaasutut si-unissami ator-neqarnissaa qanoq ippa?*

*amma*

e) *Narsarsuarmi mittarfik qanoq pilersaaruteqarfigineqarpa?*

Narsarsuarmi Kangerlussuarmilu mittarfiit attaveqaateqarnermut tamarmiusumut ilaatinneqaannarnissaannik, ingerlanneqarnerisali angallannermi pisariaqartitanut atuuttunut naleqqusarneqarnissaannik kissaateqarnermik Naalakkersuisut paasissutissiissutigaat.

Taama oqarneq ataatsimiititaliamit ima paasineqarpoq; mittarfiit taakku maannatut ingerlaannassanngitsut aammalu ingerlaannarnissaannut apeqqutaasoq qanoq annertutigisumik angalasoqarnissaa. Naalakkersuit akissutaat ataatsimiititaliamit maannangaq ima paasineqarpoq; takornariaqarnermik ingerlatsineq angallannermi pisariaqartitanut pingaarnertut aalajangiisuussasoq.

**Apeqqut:**

Siuliani allassimasut tunngavigalugit Naalakkersuisut akissutaat itisilerneqassasoq ataatsimiititaliamit kissaatigineqarpoq.

3.25. Immikkoortoq 5.4. AIS 2017-imi aningaasartuuteqarnerunerit, qupperneq 139

- a) *AUL-ip amigartooruteqarnissaanut qularnaveeqqusiineq ukiuni arlalinni ingerlaanartussatut Naalakkersuisunit naatsorsuutigineqarpa?*

**Apeqquut:**

- 1) Unammilleqatigiinnermik tunngaveqarluni ingerlanneqarsinnaasut Naalakkersuisunit qanoq naatsorsuuteqarfigineqarpat?
- 2) Suliassaqarfimmi angallannikkut ingerlatat isumagineqarnerat kiffartuussinissamik isumaqatigiissutissatut pilersaarutigineqartut kingunerisaannik qanoq allannguuteqartussatut Naalakkersuisunit naatsorsuutigineqarpa?

**4. Suliassaqarfik 10 - 12 Naalakkersuisut Siulittaasuat**

4.2 Konto pingaarneq 10.06.10 Partiit qineqqusaarnissaannut tapiissutit

- c) *Kingullermik kommunimut qinersinermi taasinerit agguataagaanerat tunngavigalugu tapiissutit taasinermit ataatsimut 50 kr.-imik annertussuseqartut nuna tamakkerlugu qineqqusaarnerup ingerlanneqarnissaanut naammattutut Naalakkersuisunit isigineqarpat?*

**Apeqquut:**

- 1) Kommunit kattunnerisigut kommuninut qineqqusaarnerni nunap immikkoortuata anner-tunerujussuup naalakkersuinikkut partiinit qineqqusaarfigineqartussanngornerata nassar-tarisaanik akisunerulersimanera Naalakkersuisut ilanngullugu isiginiarsimavaat?
- 2) Kiisalu kommuninut qinersinermit tapiissutit Inatsisartunut qinersinermit soq allaane-russanersut paasissutissiissutigineqassasoq ataatsimiititaliamit kissaatigineqarpoq.

4.3 Konto pingaarneq 10.13.10 Iluanaarutit, aktianit piginneqataaffinniit piginneqataassutit tunisinerillu

- a) *Isertitat 2016-imit 2017-imit ikileriaateqarnissaannik aammalu ukiut missingersuusiorfusut ingerlaneranni isertitat amerleriarnissaannik Naalakkersuisut naatsorsuutiginninnerat sumik pissuteqarpa?*

**Apeqquut:**

Naak ingerlatseqatigiiffiup kaaviiartitai Royal Greenlandimit annikinnerugaluartut Polar Seafoodip sinneqartoorutai Royal Greenlandip sinneqartoorutaanit amerlanerunerannut suut pissutaasinnaappat?

4.4 Konto pingaarneq 12.01.01 Kalaallit Nunaata Københavnimi sinniisoqarfia

Københavnimi sulisut qulit missaat Nuummi naalakkersuisoqarfiit aqutsisoqarfiillu sinner-lugit suliamut attuumassuteqartunik suliaqartut Naalakkersuisut oqaatigaat. Suliassat taakku nunatsinni ingerlanneqarsinnaannginnerinut suut pissutaappat?

Naalakkersuisunut Inatsisartunullu ilaasortat kiisalu qitiusumik allaffeqarfik, Namminersor-lutik Oqartussat suliffeqarfiutai kommunillu Københavnimiinneranni sullinneqarnerat soq nunatsinnit ingerlanneqarsinnaanngila?

**Apeqquut 1:**

Atorfiit atorunnaarsinneqartut tiguneqartullu tamarmik soq 1. januar 2017-imi pisisaannngortinneqarsimappat?

**5. Suliassaqarfik 20 - 24 Aningaasaqarnermut Aatsitassanullu Naalakkersuisoq**



5.2 Konto pingaarneq 20.05.20 Kommunitut ataatsimoortumik tapiissutit

- c) *Kommunik nutaamik agguataarisooqarsinnaanerata kingunerisinnaasai pillugit sulinneq Naalakkersuisunit ingerlateqqinneqarpa?*

**Apeqqut:**

Ataasiartumik aningaasartuuteqartoqarnissaanik Aningaasaqarnermut Aatsitassanullu Naalakkersuisup oqarnera Naalakkersuisut akissutaannut qanoq naapertuussuseqarpa?

5.10 Konto pingaarneq 20.11.51 Aaqqissuusseqqinnerit sunniutaat

**Apeqqut:**

Ingerlatseqatigiiffiit akileraarutaannik appaaneq konto pingaarnermut matumunnga qanoq sunniuteqassava?

5.17 Konto pingaarneq 20.30.02 Piginnaasanik ineriartortitsinermut aningaasat immikkoortitat

*Immikkoortitat aningaasartaat najukkani sulisussarsiniartarnerup nukittorsarneqarnissaanut, sulisut sulisorinnarnissaannik sulisullu naammagisimaarinninnerannik annertusaanisamat atorineqassasut missingersuutinut ilanngussami allassimvoq.*

- a) *Suliniuteqarfissanut taakkununnga uuttuutissanik Naalakkersuisut suliaqarsimappat?*

**Apeqqut:**

Nunanit sanilliunneqarsinnaasunit kisitsisinik sanilliussissutigineqarsinnaasunik peqarnerisooq paasissutissiissutigineqassasooq ataatsimiititaliamit kissaatigineqarpoq.

5.26 Konto pingaarneq 24.11.11 Qamutitut motorilinnut akitsuutit

- b) *Qamutit motorillit nunalerinermi atorineqartut akileraarutitigut akitsuutitigulluunniit akikillisaavigineqarnissaat Naalakkersuisut pilersaaruteqarpat?*

**Apeqqut:**

Nunalerinermi qamutitut motorilinnut immikkut maleruagassaqarpa aammalu nunalerinermi maskiinat akitsuutitigut qanoq annertutigisumik isertitsissutaasarpat?

5.28 Konto pingaarneq 24.11.13 Umiarsualivimmiinnermut akileraarutit

*AIS 2016-ip sularineqarnerani ataatsimiititaliaq ima apeqquteqarpoq:*

- a) *"Angallatit motorillit tingerlaatersortullu mikinerit nammineq pigisat umiarsualivimmiinnermut akileraaruserneqarnissaat kissaatigineqarpa"*

**Apeqqut:**

- 1) Tamanna akileraartarnikkut akitsuusiisarnikkullu aaqqissuusseqqinnerup kingorna inis-sinneqassasooq ataatsimiititaliamit naatsorsuutigineqarsinnaava?
- 2) Angallatit tingerlaatersortut qanoq amerlatigisut nunatta sineriiaani angalasarnersut Naalakkersuisunit kisitsisaatigineqarpa aammalu taakku sulerinerat nakkutilliivigineqarpa?

5.31 Konto pingaarneq 24.11.26 Aalisakkanut ikerinnarsortunut akitsuut

**Apeqqut:**

Akitsuutinit iluanaarutit amerlanaarlugit ukiuni kingullerni missingersuusiortarnerat Naalakkersuisunit isiginiarneqalersaarpa?

**6. Suliassaqarfik 27 - Inuussutissarsionermut, Suliffeqarnermut, Niuernermut Nunanullu Allanut Naalakkersuisooq**

6.1 Konto pingaarneq 27.01.02 Bruxellesimi sinniisuutitaqarfik

Nunanut allanut niuernermut aammalu nunat tamalaat aningaasalersuisarnerannut tunngasutigut naalackersuinikkut oqartussaaffiit immikkut ittut Namminersorlutik Oqartussat allaf-  
feqarfiani sumi isumagineqartarpat?

**Apeqqut:**

500 mio EURO-nik issittumi taarsigassarsisitsinnaaneq nunatsinni atorneqarsimanersaq paasissutissiissutigineqassasoq ataatsimiititaliamit kissaatigineqarpoq?

6.2 Konto pingaarneq 27.01.03 Northern Periphery and Arctic-imut Kalaallit Nunaata tapersiissutai

Suliassami kisitsisit aningaasat sunut tunniunneqartarnerannik nassuiaataasut ataatsimiititaliamit ujartorneqarput.

- a) Aningaasaliissutinit ullumikkut pissarsissutaasartut Naalackersuisunit qanoq naliler-  
neqarpat?

**Apeqqut:**

NPA-mi pilersaarutini akuerineqartuni kalaallit peqataasut arfiniliusut Naalackersuisut paa-  
sissutissiissutigaa. Pilersaarutit suut tamatumani pineqarnersut paasissutissiissutigineqas-  
sasoq ataatsimiititaliamit kissaatigineqarpoq.

**7. Suliassaqaarfik 30 Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoq**

7.2 Konto pingaarneq 30.01.03 Isumaginninneq pillugu pikkorissartitseqqinnerit ilinniar-  
titseqqinnerillu

- c) Isumaginninnikkut anguniakkat pillugit isumasioqatigiinnerit ataatsimeersuarnerillu  
suut ingerlanneqarsimappat?

**Apeqqut:**

- 1) Danmarkimut isumassarsiorluni angalaneq akissummi taaneqartoq qanoq angusaqarfi-  
usimava aammalu innuttaasunik oqaloqateqartoqarsimava?
- 2) Isumaginninnikkut anguniakkat pillugit isummersoqatigiinnernik nunatsinni ingerlatsi-  
nissaq pilersaarutaava?

7.4 Konto pingaarneq 30.10.34 Meeqqanut akilersuutit meeravissiartaarnerlu kiisalu  
meeqqanut inuusuttunullu illersuisoqarneq

Eqqarlerisanut inissinneqarsimasut eqqarlerisanillu meeravissiartaarineqarsimasut qanoq  
amerlatigippat?

**Apeqqut:**

Paasissutissat taama pingaaruteqartigisut soq tamanit pissarsiarineqarsinnaasunnngortin-  
neqarsimannngillat?

7.6 Konto pingaarneq 30.10.37 Nuna tamakkerlugu meeqqanut inuusuttunullu anger-  
larsimaffiit

- b) Ulloq unnuarlu angerlarsimaffinnik kommunini amigaateqarneq qanoq annertutigi-  
va?

**Apeqqut 1:**

Ulloq unnuarlu angerlarsimaffinni inissanik pisariaqartitsinermik misissuineq qaqugu naam-  
massineqartussatut naatsorsuutigineqarpa aammalu paasissutissat taama pingaaruteqartigisut  
soq tamanit pissarsiarineqarsinnaasunnngortinneqareersimannngillat?

d) *Unnuakkut sumiiffissaaleqisartunik meeraqarnera eqqarsaatigigaanni inissat 160-it naamattut Naalackersuisunit isigineqarpat?*

**Apequt 2:**

Naalackersuisut paasissutissiissutigaaat meeqqanut inuusuttunullu sumiiffissaaruttunut ornineqarsinnaasunik pilersitsisoqarnissaa sulissutigineqarmat, siullermillu Upernavimmi Kullorsuarmilu pilersitsisoqarniartoq. Illoqarfinni nunaqarfinnilu allani ornittakkanik taamaattunik pilersitsinissamik Naalackersuisut pilersaaruteqarpat?

7.7 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

a) *Matumani aningaasaliissutit immikkut suliniummut inuiaqatigiinni pisariaqartinneqartumut naamattut nalilerneqarpat?*

**Apequt 1:**

- 1) Suliassanut konto pingaarneq una naapertorlugu isumagineqartussanut atatillugu ininik naleqquttunik pisortat namminersortullu suliniutaattut sanaartornissamut ingerlatsinissamullu periarfissaq ilaatinneqarpat?
- 2) Illunik taamaattunik pisariaqartitsineq immikkoortumut pilersaarutini qanoq sorlernilu ilaatinneqarpat?

b) *Arnat persuttarneqarsimasut aammalu nuna tamakkerlugu qimarnguiit annertunerusumik suliniuteqarfigineqarnissaat pisariaqartinneqartut Naalackersuisunit isigineqarpat?*

**Apequt 2:**

Illernit pillugit naliliineq 2017-ip aallartinnerani aallartinneqassasoq naatsorsuutigineqartoq Naalackersuisut paasissutissiissutigaaat. Naliliineq taanna qaqugu naammassineqartussatut Naalackersuisunit naatsorsuutigineqarpat?

d) *Sinerissami ilaqutariinnut sullissiviit ilaqutariinnullu højskolit atorineqarnerannut kisitsisit qanoq ippat?*

**Apequt 3:**

- 1) Ilaqutariinnut sullissivinni tallimani saaffiginnissutit pillugit kisitsisitigut nalunaarsukkani peqanngitsoq Naalackersuisut paasissutissiissutigaaat. Taamaattoqarneranut ornittakkani allaffissornikkut periutsinik amigaateqarneq pissutaava?
- 2) Qaqortumi Narsamilu kisitsisit soq taama qaffasitsiginersut paasissutissiissutigineqassasoq ataatsimiititaliamit kissaatigineqarpoq.
- 3) Ilaqutariinnut sullissiviit ilaqutariinnullu højskolit pillugit paasisitsiniaanermik Naalackersuisut suliaqarsimappat?

g) *Sulianik meeqqanut tunngasunik suliarinnittarnermi immikkut suliniuteqarneq qanoq ingerlava?*

**Apequt 4:**

- a) Kommune Kujalleq sulianik ingerlatsineq pillugu suleqatigiinnissamik isumaqatigiisuteqarfigineqarsimasoq Naalackersuisut paasissutissiissutigaaat. Suliaq tamanna sumut killippa?
- b) Kommunit sinnerinut tunngatillugu assinganik iliuseqarnissaq Naalackersuisunit pileraarutigineqarnerasoq paasissutissiissutigineqassasoq ataatsimiititaliamit kissaatigineqarpoq.

7.15 Konto pingaarneq 30.14.29 Isumaginninnermi suliniutit

**Apeqqu:**

Aningaasat qinnutigineqartut paasisitsiniaanernut sunniuteqarluartunut ilumut atorneqartarnerat qulakkeerniarlugu Naalakkersuisut qanoq iliorsimappat?

7.16 Konto pingaarneq 30.14.31 Meeqqat pisinnaatitaaffii pillugit suliffik

**Apeqqu:**

MIO-mi oqarasuaatikkut siunnersuisarfimmut amerlanerusunik aningaasaliissuteqarnissamut Naalakkersuisut periarfissaqarpat?

**8. Suliassaqarfik 34 – 35 Peqqissutsimut Nunanillu Avannarlernik Suleqateqarnermut Naalakkersuisoq**

8.4 Konto pingaarneq 34.11.03 Dronning Ingridip Napparsimmavissua

- c) *Nakorsanit telefonikkut sullinneqarneq aammalu nittartakkamik atuineq qanoq ippat aammalu takkununga aningaasat qanoq pissarsiarineqartarpat?*

**Apeqqu 1:**

Nakorsanit telefonikkut sullinneqarnissamut utaqqinermi inuit oqarasuaammik ilisiinnartarnerannut suut pissutaasinnaanersut itisilerneqassasoq ataatsimiititaliamit kissaatigineqarpoq. Tamanna nakorsanit telefonikkut sullinneqarnissamut piffissakippallaarnermut aammalu sulisukippallaarnermut takussutissaava?

**9. Suliassaqarfik 40 Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq**

9.7 Konto pingaarneq 40.10.06 Kalaallit Nunaanni efterskolit ingerlanneqarnerannut tapiissutit

- c) *Maniitsumi efterskolimi meeqqanut immikkut pisariaqartitsisunut ilinniartitsineranut tapiissutit 2017-imi 0 kr.-inngorlugit ikilineqarsimapput. Tamatumani atuartut atuariarnermikkut allanniarnermikkullu ajornartorsiutillit pineqartut ataatsimiititaliap naatsorsuutigaa. Tamatuma kingorna ilinniartitsineq taanna qanoq aningaasalerorneqassava?*

**Apeqqu:**

Naalakkersuisut akissutaat ataatsimiititaliamit ima paasineqassava; atuarniarnikkut allanniar-nikkullu ajornarsiutilinnut neqeroorut sulii atuuttoq?

9.11 Konto pingaarneq 40.40.01 Ilinniartitaanermut Aqutsisoqarfik

- b) *Ingerlatat oqaatsinik pikkorissarfiusumasumi ingerlanneqartartut sumi isumagineqartarpat?*

**Apeqqu:**

Ingerlatat ilinniartitsinermik atuartitsinermik neqerooruteqartunit tiguneqarnissaat pissusissamissuussanngila?

9.18 Konto pingaarneq 40.92.12 Ph.d.-mik ilinniagaqartutut ilisimatusarnermik ilinniarneq

*Ilinniarnermut atatillugu ilisimatusarnikkut angusat uppernarsarneqarnissaat, toqqortarineqarnissaat ingerlateqqinneqarnissaallu qanoq qulakkeerneqartarpat?*

**Apeqqu:**

Ilisimatusarnermut siunnersuisoqatigiit arlaannaannulluunniit attuumassuteqanngitsut sumi inissisimappat qanorlu aningaasalersugaappat?

9.19 Konto pingaarneq 40.92.13 Ilisimatusarfik

- c) *Ilisimatusarfimmi taamaatiinnartartunik kingullermik misissuinerup inernerata assi-lineqarnera ataatsimiititaliamit qinnutigineqarpoq.*

**Apeqqu:**

Innuttaasunut amerlagisassaannngitsunut ilinniartitsinermit siunertanut aningaasanut inatsimmi 1 mia. kr.-it missaat immikkoortinneqarsimapput, taakkunangalu 93 mio. kr.-it missaat Ilisimatusarfimmut aningaasaliissutaallutik. Taamaattumik inuit qassit ilinniakkaminnik naammassinnittarnersut nalunaarsorniarlugu ilimanaateqarsinnaasunik naatsorsuinissap pisa-riaqarnera ataatsimiititaliamit paasiuminaatsinneqarpoq.

- 1) Ilisimatusarfik ilinniartussanik qassinik tiguisarnerseq, taakkunangalu qassit ilinniarnerminnik naammassinnittarnersut qassillu ilinniarnerminnik unitsitsiinnartarnersut pillugit ulluinnarni nalunaarsuinerit ujartuiffiginissaat Naalakkersuisut siunertaraat?
- 2) Tamatuma saniatigut nunatta ilisimatusarfiani taamaatiinnartarnermut pissutaasut uppernarsaasersorneqarnissaat pissusissamisussasooq ataatsimiititaliaq isumaqarpoq. Taamaatiinnartarneq pillugu misissuisoqartarnersooq paasissutissiissutigineqassasooq ataatsimiititaliamit kissaatigineqarpoq?

9.25 Konto pingaarneq 40.94.17 Kalaallit Nunaata Radioa - KNR

- e) *P1 98 mhz-ip atorneqarnissaa pilersaaruteqarfigineqarpa?*

**Apeqqu:**

Assersuutigalugu Inatsisartut ataatsimiinnerisa aallakaatinneqarnerannut kanalip taassuma atornissaa qanoq akeqassava?

**10. Suliassaqarfik 50 - 51 Aalisarnermut, Piniarnermut Nunalerinermullu Naalakkersuisooq**10.2 Konto pingaarneq 50.01.17 Aalisarneq pillugu EU-mik isumaqatigiissut

*Tuluit EU-mit aninerat konto pingaarnermut matumunnga qanoq kinguneqartussatut naatsorsuutigineqarpa?*

**Apeqqu:**

- 1) Tassannga isertitat tamakkiisumik ilaannakortumilluunniit pissarsiarineqartarunnaarnissaat isumakuluutigissallugu tunngavissaqartutut Naalakkersuisunit isigineqarpa?
- 2) Canadap EU-mut isumaqatigiinniarnera maanna ingerlanneqartoq nunatsinnut qanoq kinguneqassava?

10.6 Konto pingaarneq 51.03.03 Ineriartortitsinermit aningaasatigut tapersiissutit

- a) *Nunalerinermut siunnersuisoqatigiinni nunalerinermik ilinniarsimasumik suliisoqarpa?*

**Apeqqu 1:**

Nunalerinermut sanilliullugu aalisarnermik ingerlatsisut amerlapput. Aningaasanik aalisarneq pillugu siunnersorteqarnermut, nunalerinermi siunnersorteqarnermut aningaasanut immikkoortinneqartartunut assersuunneqarsinnaasunik, immikkoortitsinissaq Naalakkersuisunit isumaliutigineqarsimava?

- b) Nunalerinermi imminut napatittumik inuussutissarsiorsinnaaneq siuarsarniarlugu Naalakkersuisut sunik suliniuteqarpat?

**Apeqqu 2:**

Angusassat pillugit SPS-imut nunalerinermi siunnersorteqarfimmut isumaqatigiissuutip assilineranik nassinneqarnissani ataatsimiititaliap kissaatigaa.

10.8 Konto pingaarneq 51.07.42 Taarsigassarsiat erniallit aamma 51.07.43 Taarsigassarsianut ernialinnut akilersuutit

- a) *Taarsigassarsiallit, taarsigassarsinissamik suliassat, taarsigassarsisut ernianut aki-liutaasa akiitsunut akilersuutit, taarsigassarsiat erniallit aammalu piffissaq eqqor-lugu akiliinissamut tapiissutit qanoq amerlatiginerannut takussutissiaq ataatsimiitita-liamit kissaatigineqarpoq.*

**Apeqqu:**

Taarsigassarsiallit taarsigassarsiaasa akilersuutaasalu annertussusii nalunaarlugit skemanngorlugu takussutissiamik nassinneqarnissani ataatsimiititaliap kissaatigaa.

10.10 Konto pingaarneq 51.07.50 Savaatillit nioqqutissanik pisiortornerminni taarsigassarsiaannut qularnaveeqqutinik akiliineq

*Qularnaveeqqutit tunniussat aammalu qularnaveeqqutinik akiliinerit pillugit kisitsisitigut takussutissiaq ataatsimiititaliamit kissaatigineqarpoq.*

**Apeqqu:**

Qularnaveeqqutinik tunniussisarnermut akiliinermullu atatillugu piumasaaqatit assilineranerannik nassinneqarnissani ataatsimiititaliap kissaatigaa.

**11. Suliassaqarfik 62-64 Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq**

11.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

- c) *Taakkuninnga atuineq qanoq siuarsaavigineqarpa?*

**Apeqqu:**

Kalaallit nerisassaataannik tuniniaaffittut kalaalimineerniarfiit pingaarutilittut inissisimanerisa siuarsarneqarnissaannik Naalakkersuisut anguniagaqarpat?

11.5 Konto pingaarneq 64.10.12 Nioqqutissanik pilersuineq

*Piffissamut nutaamut 1. januar 2017-imi aallartittussamut kiffartuussinissamik isumaqatigiissutissaq Naalakkersuisunit qulakkeerneqareerpa?*

**Apeqqu:**

Kiffartuussinissamik isumaqatigiisutigineqartut assilineranerannik nassiusseqqullugit Naalakkersuisut ataatsimiititaliamit qinnuigineqarput.

11.11 Konto pingaarneq 64.13.23 Majoriaq

- e) *Ilinniartitsisut qanoq amerlatigisut, ukioq naallugu sulisorisanut naatsorsorlugu, Majoriaq-centerini atorneqarpat aammalu ilinniartitsisut taakku ilaat procentinngorlugu qanoq amerlatigisut atuarfimmi ilinniartaqarsimappat?*

**Apeqqu:**

- 1) Inuit 62-it Majoriami ilinniartitsisartut Naalakkersuisut paasissutissiipput. Majoriamut 2015-imi aningaasaliissutit 49.539.000-iusut Naalakkersuisut paasissutissiipput. AIS

2017-imi aningaasaliissutit 73,5 mio. kr.-inut amerlineqarput, tamannalu 48 %-ingajammik qaffaanerup naligaa. Inuit 62-it siuliani taaneqartut akunnerit qassit atuartit-sinermut 2015-imi atorsimaneraat 2017-imilu akunnerit qassit atorneqartussatut naatsor-suutigineqarnersut paasissutissiissutigineqassasoq ataatsimiititaliamit kissaatigineqar-poq?

- 2) Taaguummik allannguneq Majoriami sullinneqartartunut sunniuteqassasoq Naalak-kersuisunit naatsorsuutigineqarpa?

### **13. Suliassaqarfik 70 – 72 Ineqarnermut, Sanaartornermut Attaveqarnermullu Naalakkersuisoq**

#### 13.1 Konto pingaarneq 70.01.07 Sanaartornermi oqartussaassuseq

*Nuummi qanoq akulikitsigisumik nakkutilliisoqartarpa amigartumillu nakkutilliisoqart-arsimava?*

#### **Apeqqut:**

Nakkutilliinnerit ingerlanneqartut Nuummi pisariaqartisineq tamakkiisoq matussuserpaat?

#### 13.4 Konto pingaarneq 72.06.51 Inissianik tunisineq – ilanngaaseereerluni tunniussineq

- b) *Namminersorlutik Oqartussat inissiaataasa assigiinngitsut qanga kingullermik iluar-saanneqarsimanerannut takussutissiaq pigineqarpa?*

#### **Apeqqut:**

Pisortat illuutaat pillugit paasissutissat taamaattut aqutsivigineqarnissaat siunertamut naaper-tuuttut Naalakkersuisunit isigineqarpa?

#### 13.5 Konto pingaarneq 72.10.16 Inissiat attartortittakkat ingerlanneqarnerat, aningaasa-liissutinit iluanaarutit

*Errorsisarfiit ataatsimoorussat atorunnaarsinneqarnerat najukkami innuttaasut peqqissusi-annut qanoq kinguneqarsimanersoq Naalakkersuisunit misissoqqissaarneqarsimava?*

#### **Apeqqut:**

Misissueqqissaarnernik siuliani taaneqartunik Naalakkersuisut suliaqalersaarpat?

#### 13.8 Konto pingaarneq 72.20.05 Ilaasunik angallassinermut tapiissutit

- a) *Suliassaqarfik nukittorsarniarlugu aningaasaliissutit amerlinagit aalajangi-usimaneqarnerannut suna tunngaviua?*
- b) *Aningaasaliissutit ilaat nunatta kujataanut tunngassusillit ikilineqarnerannut suna tunngaviua?*

2016-imi aningaasanut inatsimmik siunnersuuteqartutut kiffartuussinissamut isumaqatigiis-sutinut sinaakkutit atugassarititaasussat Naalakkersuisut namminneq siunnersuutigimma-tigit ataatsimiititaliamit Naalakkersuisunut eqqaatsitsissutigineqassaaq. Naalakkersuisullu taamaalillutik Aningaasaqarnermut Akileraartarnermullu Ataatsimiititaliamut qinnuteqaam-minni allapput kiffartuussinissamut isumaqatigiissutit 2016-imi aningaasanut inatsimmi konto pingaarnermut 72.20.05-imut, ilaasunik angallassinermut tapiissutinut tunngasumut, oqaasertaliussami nr. 1-imi killissaritinneqartut iluini neqeroorutigineqarlutillu isumaqatigiin-niutigineqassasut. Meeqqanut soraarnerussutisialinnullu akikillisaassuteqarnissap qulakkeer-neqarnissaanut qaffaanissaq Naalakkersuisut taamaallaat qinnutigaat, tamannalu ataatsi-miititaliamit akuerineqarpoq. Tamannalu kingusissukkut pivoq. Isumaqatigiinniarnissamut

piginnaatinneqarnissamik qinnuteqaamminni Naalakkersuisut ataatsimiititaliamut ima paasissutissiimmata ataatsimiititaliamit erseqqissarneqassaaq:

*”Kiffartuussinissamut isumaqatigiissutit tamarmik angallannermi suliasat nunallu immikkoortui, aammalu sullissinerup qaffasissusia akulikissuserlu maanna atorpeqartut tunngavigalugit neqerooruteqartitsivigineqassapput.”*

Piffissami isumaqatigiinniarnissamut piginnaatitsissutip ataatsimiititaliamit akuerineqarnerani aningaasaliissutinik annertunerusunik pisariaqartitsisoqarsinnaaneraniq ataatsimiititaliaq sukkulluunniit saqqummiussivigineqanngilaq. Taamaattumik ataatsimiititaliap takusinnaasimanngilaa sooq sinaakkutitut atugassarititaasut attatiinnarneqassannginersut.

Tusagassiorfiit malillugit kiffartuussinissamut isumaqatigiissutit pitsanngorsarniarlugit aningaasanik amerlanerusunik nassaarniarnissaq Naalakkersuisut siulittaasuata piareersimaffigaa.

### **Apeqqu 1:**

Annertunerusumik aningaasaliissutissatut kissaatit aalajangersimasut aningaasanut inatsimmut ilanngunneqarsinnaaqullugit AIS 2017-imut allannguutissatut siunnersuutinik Naalakkersuisut saqqummiussilersaarpap?

*c) Air Greenlandimik piginnittuunermut Naalakkersuisut qanoq anguniagaqarpat?*

### **Apeqqu 2:**

Ingerlatseqatigiiffiup naatsorsuutai kingulliit aallaavigalugit Air Greenlandimi piginneqataasutitut Naalakkersuisut nalunaarsugaat, tamarmik immikkut, qanoq naleqartut taggineqarsinnaappat?

-----


Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik ataasinngornermi ulloq 31. oktober 2016, nal. 12.00 Aningaasaqarnermut Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik [saam@inatsisartut.gl](mailto:saam@inatsisartut.gl)-imut nassiutequneqarpoq.

Akissutit Aningaasaqarnermut Nunamullu Namminermut Naalakkersuisoqarfimmut nassiunneqassapput, tassani akissutit katersorneqassapput apeqqutillu tamarmik tamakkiisumik akineqarsimanersut misissorneqarlutik tamatumalu kingorna akissut Aningaasaqarnermut Ataatsimiititaliamut nassiunneqarluni.

Allakkiaq una aamma elektroniskimik [oedfu@nanoq.gl](mailto:oedfu@nanoq.gl)-imut nassiunneqarpoq.

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua